



Na osnovu člana 119. stav (6) Zakona o prostornom uređenju Kantona Sarajevo („Službene novine Kantona Sarajevo“, br. 24/17 i 1/18), člana 9. Pravilnika o načinu formiranja Komisije za tehnički pregled građevina („Službene novine Kantona Sarajevo“, broj 27/20) i člana 50. stav (1) tačka (5) Statuta Općine Novo Sarajevo („Službene novine Kantona Sarajevo“, br. 5/20-Prečišćeni tekst i 20/20-Ispravka), Načelnica Općine Novo Sarajevo, o b j a v l j u j e

JAVNI POZIV

za podnošenje prijave za tehnički pregled građevina izgrađenih na području Općine Novo Sarajevo

I

Pozivaju se sva zainteresirana stručna lica, da podnesu prijavu za obavljanje poslova tehničkog pregleda građevina izgrađenih na području Općine Novo Sarajevo, za 2026. i 2027. godinu, i to diplomirani inženjeri iz oblasti:

- arhitekture
- građevine /smjer-konstruktivni, hidrotehnički i saobraćajni/
- elektrotehnike/smjera elektroenergetski, elektronika-automatika, telekomunikacijski/
- mašinstva
- geodezije
- zaštite od požara i eksplozije
- zaštite na radu
- saobraćaja /smjera cestovni i telekomunikacijski/
- sanitarne zaštite
- geologije

II

Poslove tehničkog pregleda građevina mogu vršiti samo diplomirani inženjeri odgovarajućih struka, sa 5 /pet/ godina radnog iskustva na poslovima projektovanja, građenja ili stručnog nadzora i položenim stručnim ispitom.

III

Poslove tehničkog pregleda građevine ne mogu vršiti lica koja su direktno bila uključena u postupak donošenja lokacijske informacije, urbanističke saglasnosti, odobrenja za građenje, niti lica koja su učestvovala u izradi tehničke dokumentacije, reviziji glavnog ili izvedbenog projekta, gradnji i nadzoru nad gradnjom i nadležni inspektor koji je vršio nadzor nad gradnjom objekta i drugi inspektori i lica sa posebnim ovlaštenjima, u čijem su djelokrugu poslovi upravnog nadzora.

IV

U prijavi na Javni poziv tačno naznačiti oblast /smjer/ na koju se prijava podnosi, te užu specijalnost podnosioca prijave. Uz prijavu treba priložiti:

- ovjerenu kopiju diplome
- ovjerenu kopiju uvjerenja o položenom stručnom ispitu
- potvrdu o radnom stažu iz tačke II javnog poziva
- broj i kopiju transakcijskog računa

V

Lica koja su 2023. godine, dostavila uredne prijave i potpunu dokumentaciju, te se nalaze na Listi lica koja ispunjavanju uslove za obavljanje poslova tehničkog pregleda građevina na području Općine Novo Sarajevo, **potrebno je da dostave samo prijavu sa ličnim podacima i kopiju transakcijskog računa.**

VI

Javni poziv je objavljen u dnevnim novinama „Dnevni Avaz“ i na web stranici Općine Novo Sarajevo (www.novosarajevo.ba) i ostaje otvoren 15(petnaest) dana od dana objavljivanja.

Prijave sa dokazima navedenim u tački IV ovog javnog poziva podnose se neposredno putem protokola Općine Novo Sarajevo, šalter broj 7 ili putem pošte na adresu:

OPĆINA NOVO SARAJEVO

Služba za oblast prostornog uređenja i urbanizam, (sa naznakom «Prijava na Javni poziv za podnošenje prijave za tehnički pregled građevina»), ulica Zmaja od Bosne 55.

Nepotpune i neblagovremene prijave neće se razmatrati.

Dokumentacija priložena uz prijavu se ne vraća podnosiocu.

VII

Nakon komisijiskog pregleda i obrade pristiglih prijava, usvojena Lista stručnih lica koja ispunjavaju uslove za obavljanje tehničkog pregleda građevina će biti objavljena na oglasnoj ploči i web stranici Općine Novo Sarajevo.

O rezultatima izbora kandidati će biti blagovremeno obaviješteni i pisanim putem.

Broj: 08-19-2-10040/25
Sarajevo, 30.10.2025. godine

OPĆINSKA NAČELNICA

Prof. dr. Benjamina Karić